
ЎЗБЕКИСТОНДА ИЛК МАРТА: УЧКЎПРИКДА LAVANDER FESTIVAL – ЛАВАНДА ФЕСТИВАЛИ ЎТКАЗИЛМОҚДА

Учкўприк туманида мамлакатимизда илк бор ўтказилаётган лаванда фестивалига старт берилди.

Фестиваль доирасида лаванда гули ва ифоридадан тайёрланган маҳсулотлар кўрғазмаси, папайя, банан, годжи, киви, зайтунзорлардан иборат саломатлик боғи бўйлаб экосаёҳат, тиббиёт туризми ва мутахассислар кўриги, концерт ва шоу дастурлари ўтказилмоқда.

Фестиваль иштирокчилари лаванда боғларининг бетакрор гўзаллигидан баҳраманд бўлиш, махсус рецепт асосида тайёрланган лавандали таомлар, музқаймоқ ва салқин ичимликлардан татиб кўриш, лавандазордаги унутилмас фотосессияларда иштирок этиш имкониятига эга бўлишади.

Фестивалга мамлакатимизнинг турли ҳудудларидан меҳмонлар, Россия, Қозоғистон, Қирғизистон, Тожикистон, Малайзия каби давлатлардан туристлар, инфлюенсерлар, фотосессия ихлосмандлари ва моделлар, санъаткорлар, журналистлар ва блогерлар ташриф буюрмоқда.

“Меҳригиё” корхонасининг табиий лаванда боғларида ташкилланган Lavander Festival 16 июнга қадар давом этади.

Сиз ҳам оила аъзоларингиз ва дўстларингиз билан ташриф буюриб, Lavander Festival завқини ҳис этинг!

2021-06-10 12:43:29